



近代史料笔记丛刊

docu river 文川网  
入驻商家 古籍书城  
在文川网搜索古籍书城 获取更多电子书

# 滇轺日记

花沙纳◎撰

# 东使纪程

花沙纳◎撰

(外一种)

中华书局



近代史料笔记丛刊

# 滇轺日记

花沙纳◎撰

# 东使纪程

花沙纳◎撰

(外一种)

中華書局

## 图书在版编目(CIP)数据

滇轺日记;东使纪程/花沙纳撰. —北京:中华书局,  
2007.5

(近代史料笔记丛刊)

ISBN 978 - 7 - 101 - 05554 - 2

I. ①滇…②东… II. 花… III. 中国 - 古代史 - 史料 -  
清代 IV. K249.306

中国版本图书馆 CIP 数据核字(2007)第 034145 号

- 
- 书 名** 滇轺日记·东使纪程(外一种)  
**撰 者** 花沙纳  
**丛 书 名** 近代史料笔记丛刊  
**责任编辑** 张彦周  
**出版发行** 中华书局  
(北京市丰台区太平桥西里 38 号 100073)  
<http://www.zhbc.com.cn>  
E-mail: zhbc@zhbc.com.cn
- 印 刷** 北京市白帆印务有限公司  
**版 次** 2007 年 5 月北京第 1 版  
2007 年 5 月北京第 1 次印刷  
**规 格** 开本/880×1230 毫米 1/32  
印张 5 $\frac{1}{8}$  插页 2 字数 70 字  
**印 数** 1 - 4000 册  
**国际书号** ISBN 978 - 7 - 101 - 05554 - 2  
**定 价** 12.00 元
-

docsriver 文川网  
入驻商家 古籍书城

在文川网搜索古籍书城 获取更多电子书

# 近代史料笔记丛刊

## 出版说明

《近代史料笔记丛刊》是二十世纪五十年代中华书局规划的大型史料丛刊之一种。限于当时条件,《近代史料笔记丛刊》只出版了少数品种,后归入《清代史料笔记丛刊》中。

随着中国近代史研究的逐步深入,近代史料的整理亟待加强,为满足学术界研究之急需,为更广大的文史爱好者了解和认识中国近世社会的真实面貌,《近代史料笔记丛刊》现予以恢复出版。

恢复出版后的《近代史料笔记丛刊》在原有规划的基础上,做出适当调整:

一、所收史料的时间断限,上至 1840 年鸦片战争发生,下至 1949 年新中国成立之前。

二、考虑到近代史料的丰富多彩,本丛刊除收录具有较高史料价值的笔记之外,对于确能反映当时历史事件和历史人物真实情况的随笔、日记、年谱及其他原始资料,亦予以选

择性的辑录。

三、本丛刊所收史料，以一种或数种为一册，尽量保持其原貌，在每种史料前，均由整理者撰写说明文字一则，指明史料来源、版本情况及内容提要。

四、本丛刊所收史料无分段和标点者，均由整理者按文意分段，并施加标点；原著明显错误予以径改；残缺字以□代之，错字、别字、衍字（文）、文字颠倒，改正处加〔 〕；佚文增补文字加【 】,以示区别。

五、为方便使用，整理者对史料中出现的纪事异同、文字具有特殊含义者，均加简注。

我们希冀通过《近代史料笔记丛刊》，汇集一批反映中国近代历史方方面面的史料，恳请读者予以批评指正，帮助我们在史料收集、编辑整理上日臻完善。

中华书局编辑部

2007年3月

# 目 录

## 滇轶日记

整理说明 ..... 3

正文 ..... 5

## 东使纪程

整理说明 ..... 67

序 ..... 71

正文 ..... 75

(外一种)

**客韩笔记**

整理说明 .....	117
叙 .....	119
序 .....	121
叙 .....	123
叙 .....	125
自叙 .....	127
正文 .....	129



滇轶日记

花沙纳 著

## 整理说明

花沙纳字毓仲，号松岑，伍弥特氏。生于嘉庆十一年（1806），卒于咸丰九年（1859）。蒙古正黄旗人。乾嘉名将德楞泰之次孙。父苏崇阿，官至盛京都统黑龙江将军，一等继勇侯。花沙纳是道光壬辰恩科进士，散馆授编修，曾充云南、顺天乡试正副考官，历任礼、吏、工、户部侍郎，累官至吏部尚书。咸丰八年（1858）在尚书任内曾随钦差大臣桂良到天津与英法等国签订《天津条约》，又随桂良赴上海签订中英、中法、中美通商章程。卒谥文定。《清史·列传》卷四十一有传，惟不详世系，亦不记出使朝鲜事。花沙纳善书法，喜吟咏，文笔亦雅隽，但并不以文名。诗文有《韵雪斋小草》、《出塞杂咏》、《东使吟草》、《泃园吟草》。中国国家图书馆善本书室藏有《东使吟草》一卷、《出塞杂咏》一卷稿本一册，其他均未见。

《滇轺日记》系花沙纳道光十五年（1835）奉旨典试云南之日记，为未刊稿本，用翰宝斋红丝栏九行纸，行草（兼有楷书）墨笔书写。封面楷书题《滇轺日记》，副题《抡才纪略》。

封面里题“《云程发轫》，道光十五年六月初二日起，本年十二月二十日止”字样。方朔著《枕经堂骈体文》第二卷收有为花沙纳《滇轺纪程》一书所作序言，知该书方朔曾作过校对。方朔字小东，安徽怀宁人。安庆府学学生（参朱之英《怀宁县志》卷十九《文苑》），嗣后，久困场屋，屡试不售，直至咸丰丙辰，花沙纳代他报捐一州同（《枕经堂文钞》卷一《壬戌上曾节相书》）。他工篆隶书，善骈体文（震钧《国朝书人辑略》引《寄心庵诗话》）。道光二十五年（1845）入都，经潘曾莹、潘曾绶昆仲介绍，为斌良延聘主其澹园三年，接着为花沙纳之兄倭什讷招参马兰镇幕，在节署为花沙纳校对了旧作《滇轺纪程》，之后又校对了这本写本，并且为两书各写了序言，两序均收入他著的《枕经堂骈体文》第二卷中。但现在《滇轺日记》之原稿本未见有校对过的笔迹，似方朔所校对过的是《滇轺日记》的另一抄本，并题为《滇轺纪程》。以上两书名，均未见著录。

《滇轺日记》逐日记录了由北京出发至云南，沿途里程，山川名胜，城镇馆驿，地理沿革，以及科场考试情况，均有可供史家研究参考之处。原稿本每记所经过之府、州、县官员迎送时，皆于书眉注有迎送官员职务姓名，整理时将眉注文字加圆括号，移入正文，以便读者。现据章伯锋整理刊出。

道光十五年六月初二日起

# 云程发轫

本年十二月二十日止

道光十五年乙未六月初二日

臣花沙纳奉命偕编修朱其镇(号九山,浙江嘉兴人,己丑进士),典云南乡试。次日具折谢恩,蒙召对训谕周详,实深钦感。(有恭纪诗二首。)

### 奉命典云南乡试恭纪二首

词曹簪笔侍螭头,宠命新颁向益州云南古亦称益州。勒帛亦关明主虑天语谆谆以披落卷为念,遗珠恐误使臣投。春华敢诩文章美,秋赋还期棫朴收。何事书生能报国,愿罗佳士圣恩酬。

### 其二

龙纶首被主恩深云南试差最先点,而予名又其首列者,万里滇池使者临。玉尺从来千古事,冰壶敢负十年心予乡荐乙酉岁,今乙未,十年矣。山川也助诗怀壮,柳雪谁嗟客梦侵。自是词臣荣幸事,辘轩西指动讴吟。

## 十一日 晴爽

辰刻起程，四十里卢沟桥尖。北有张华宅。桥建于金代，永即永定河，又名浑河，以色黑故名卢。三十里宿良乡县（署良乡县县丞郑启新），两表弟送行同宿，次日分手。忆癸巳年家兄奉命西藏照料念经，余曾送行至此。去岁甲午，家兄自西藏回京，余又迎于此，今年余又住此，而三次皆以六月。驹光转瞬，为之慨然。

## 六月十一日，途次良乡，有怀家芑乡兄。

朝辞帝阙五云中，驿馆重来景不同。驿路马蹄经岁月，雪泥鸿爪自西东。三年并驻双星节，六月同乘万里风前岁癸巳，家兄偕阁学道庆于六月间奉使西藏，余祖送于此。去岁甲午六月差旋，余又迎于此。今年余典试云南，又于六月驻此。而家兄现在奉命往高丽册封，一东一西，踪迹殊参商也。我欲载歌棠棣咏，皇华踪迹类飘蓬闻大兄于六月杪回京，而余以十一日起程，不能待也。三次宿此，情景不同，俯仰今昔，不胜弹指驹光之惧。

## 十二日 晴

窠店尖。过琉璃河，《金史》谓之刘李河，即古圣水也。卅

里过涿水即巨〔拒〕马河。宿涿州(涿州赵庭椿<sup>①</sup>)公馆。州以涿水得名,古涿鹿、魏范阳也。有独鹿山、鹿鸣泽、汉昭烈庙。楼桑村即汉昭烈故居。酈亭在楼桑村南,道元故居也。华阳台燕丹与樊将军饮处。卢植墓亦在是地。两日皆晴爽,不甚热。

### 十三日 晴 午后雨

卯初起身。过张桓侯故里,有碣题张桓侯古井。又有祠,丹雘尚新。三十里至松罗店。十五里高碑店尖。遇雨。饭后行,仍小雨。二十五里宿定兴(定兴县陈应藩)县城内。公馆湫隘,废址颓垣,容膝而已。幸到时才交未刻,闻有百楼城,唐太宗征辽时筑,在县治。又有张弘范墓。定兴本隋范阳地,金改今名。

### 雨中宿定兴

满庭芳草闭闲门,舍馆荒凉似野村。六尺榻穿盘膝处,三间屋漏折叙痕。分无广厦华筵美,幸有清樽白酒温。客路且须谋一醉,不堪风雨打黄昏。

乱蛙阁阁永参差,废圃颓垣动客思。草径泥香新雨后,槐阶虫语夕阳时。百楼城毁唐宗筑,三辅关严赵代基。从古每多慷慨士,好将凭吊入新诗。

<sup>①</sup> 此原为眉批,移于此。以下同。

#### 十四日 阴

早发。十里渡白河，古督亢水也。此水以南为赵地。《水经注》：督亢又南，谓之白沟水，或曰即易水也。过河到北河，地在河南而名北河者，或曰白河之误也。稍西三里许地名东引村，有杨椒山墓。万历三年孙尚书丕扬立碑，子孙皆在容城。又南岸有椒山祠，明天启中张中丞凤翔因巡检旧署为之。国朝嘉庆壬戌，铅山县熊谦山总督直隶为之立碑。三十里故城铺尖。又三十里宿安肃县（安肃县陈学源）。是日遇冉兴之子银官，询之在此四年矣，相见殊有故人之意。

#### 十五日 辰刻雨止

夜雨如注，辰刻雨止，始行。十里涉小黑水河。十五里过漕河。保定陆费太守瑒遣人来接（保定府陆费瑒亲来）。慈航寺前茶尖。寺为方恪敏公观承所建。方微时流寓寺中，及总督直隶，遂崇饰之。廿五里抵保定府清苑县（清苑县李濂亲来），直隶之省会也。战国属赵，秦为上谷巨鹿，隋曰清苑，五代晋割属契丹曰秦州，宋曰保州。赵氏世籍清苑，僖、顺、翼三祖陵皆在县东境。建隆初置保寨军为防边要地，易州既没，于是广植树木以限契丹，童贯伐之而敌骑南下矣。地居冲要，拱卫神京，县以水得名，有清苑河在城西里许，一名沉水，源出鸡距泉甚小，东至黄狗窝与顺水合。王铁岩送小菜饽饽四匣，火腿一支，茶叶二瓶，即托寄云字一号家信。



前数日此处山水大发，漕河水涨，大路此时尚泥泞。阅邸抄广东主考赵德邻壬辰、何桂馨，广西汪鸣相、贾臻壬辰，福建李煜、金应麟。是日陆费太守送席。晚与九山前辈小酌。

### 十六日 晴

早发清苑。四十五里泾阳驛早尖，换车马。地属满城县，距县尚三十里。今新城县丞朱瑞金预备早饭。驿有碑系嘉靖四年置，因苦此站太远，故置此驿换马。十五里到方顺桥，濡水所经也。一名顺水，又名祁水，发源完县，于曲逆城北曲而西流，故曰曲逆。《左传》：齐国夏伐晋取逆时，即此。汉陈平封曲逆侯，今平墓在完县。一云濡水源出易州穷独山，一名圣女水，汉章帝改曰蒲阴，后人改曰方顺，盖曲逆之反也。三十里宿望都县（望都县欧阳学）。城东南隅有尧母庙，内有大冢即尧母陵，古墓蔚然深秀。尧母号庆都，故县以名焉。汉名望都，金名庆都，乾隆十一年十月，驾幸五台山回銮驻此，复汉名。又有柳宿城，汉宣帝母王夫人入朝与父母别此。

### 十七日 晴热

早起入望都东门，谒尧母庙。殿门三层，正殿塑尧母像，有御题额曰“中天启圣”。后有大阜，即庆都氏陵。陵前古井有亭翼然。庙旁有康衢书院。卅里清风店茶尖。二十里渡

docsriver 文川网  
入驻商家 古籍书城

在文川网搜索古籍书城 获取更多电子书

唐河，即滹水也。源出山西灵邱县。十里定州尖。定州古中山国，后燕慕容垂都此。隋为博陵郡，唐定州，宋置定武军。有韩魏公遗迹。西门内有土阜，或云中山以此得名。又有中山靖王墓，西有倒马关，为内三关之一。禹之固城、东坡之雪浪石不知何处，俱付之想象而已。廿五里明月店，娘娘庙小憩。庙为东岳碧霞元君行宫，有万历元年碑、嘉靖年碑，乾隆七年、嘉庆六年重修，并非旧制。至今剥蚀风雨中，残僧两三人而已。廿五里宿新乐县。（直隶定州王仲槐亲到。新乐县陈玉清，戊午举人）。汉成帝时中山靖王为其女作楼阁于西乐里，故今讹为新乐。北门外有伏羲墓。从滹水恒山而戾止，偕清风明月以俱来。

### 清风店至定州

恒山西望碧孱颜，唐水南来路曲环。浓翠柳阴三十里，新凉送我过中山夹道多柳阴。

### 尧母陵

运启中天帝祚兴，丹邱龙瑞兆休征。千秋亦有瞻云思，野草空山拜古陵。

### 定州

当年重镇扼燕云，古堞危楼望不分。闻道中山汉封国；

不知何处靖王坟。

### 途中书怀

依稀风景记从前，回首重来十二年甲申至乙未。昔日洛滨同侍从甲申岁，先大夫宦蜀时，余偕芟乡兄侍太夫人还京过此，弹指已十二年矣，今朝洱海自旬宣。荆襄旧路成陈迹，郑卫山川有夙缘。欲访曾留鸿爪处，碧纱何地认诗篇。

### 十八日 晴爽

早行。过沙河。四十五里伏城驿尖。本伏羲氏生邑，有伏羲城，故名。四十五里宿正定府。偕九山前辈游隆兴寺，观大悲像。像高七丈三尺，楼三层高十一丈，名天香阁，圣祖御书调御丈夫匾额。像造于隋开皇中，恒州刺史鄂国公金城王孝仙立石。历宋、元、明皆加修葺。康熙、乾隆、嘉庆年间俱增修。寺内碑甚多，有一小碑，系释□□记当日铸此铜像时，某人姓名及制造之法，并殿材来历甚详，惜未能细记。登览毕，始到公馆。正定城周遭四十里，本总督省垣，乾隆间总督移至保定府，此地遂萧索矣。古鲜虞地，汉为恒山郡，避文帝讳改常山。唐曰镇州，城内有牌坊题“古常山郡”。夜雨通夕。寄云字二号家信。（正定府那峨、正定县唐淳亲来。山长李云章亲来。）

## 十九日 雨 晴热

雨止。辰刻行。十里渡滹沱河，十里铺尖。八十里至栾城县(署栾城县喻元升亲来)宿。本春秋时栾武子封邑，今尚有墓在城外。署县令喻元升郊迎，又亲来拜。询之云南人，己卯孝廉，丙戌大挑至此。自出都以来，惟正定住大公馆，颇有体制。至此，县尹迎接，以前皆落落也。

## 二十日 热甚

早行。四十里赵州(直隶赵州德克崇额)尖。汉巨鹿地，六代及唐为赵郡，州倚太行而带衡漳，东逮隆平、巨鹿、宁晋一带，即古大陆之野也。城内白林寺闻有吴道子画水。是日由城外行，至大石桥尖。《朝野僉载》：赵州石桥，望之如新月出云，长虹饮涧。盖隋大业中石工李春所建，俗传鲁般〔班〕，非也。然桥南题曰“古桥仙迹”，岂传讹尽误乎。忆甲申岁余自蜀还京，与家芟乡兄过此，曾读桥旁古碑，系昔有道人筑此桥，经营神速，遂疑为仙云。四十里古郾城小憩。俗名王莽城，赵武灵王言：中山侵掠吾地，引水围郾。即此。光武即位于郾南，今有碣题曰“汉光武帝千秋亭遗迹”，又有光武斩石人处，今半截翁仲二尚存。二十里宿柏乡县(柏乡县刘垣戊午举人亲来)。

## 二十一日

丑刻行。廿五里麒麟铺，原名野狐冈，临城地。五里任村。

五里过泚水。四处遣人捉水夫，始得涉。俗呼沙河流，出元氏县，东至临城境，与源出赞皇山之沙水会，南流径唐山、任县境入内邱，又东入于滹。《山海经》：敦兴山，泚水出其阴，东注于彭水，彭即沙也，一名洙水。三十里内邱县尖（内邱县刘延熙亲来）。有孔子遇程子倾盖处、冯唐故里。四十里白塔村。二十里宿顺德府邢台县（邢台县唐思赞）。祖乙迁邢即此。齐桓公迁邢于夷仪，在西北山上。秦为巨鹿郡，项羽大破秦军，虜王离于此。后以封张耳，改为襄国。后赵石勒据之。唐曰邢州，元改今称。北控恒山，西凭上党，南临相卫，东俯三齐，振裘挈领，四顾称雄。张宾有言，襄国依山凭险，形胜之国也。李纲亦云，邢与定州地大力丰，如太行之两翼。天晴微热，宿处亦高大清凉。城内有豫让桥、国土祠。

## 邢台县

遥山争秀色，雨后足烟霞。野水疑无地，高田半有沙。浪涡时惧马，石磴或回车。祖乙迁都处，知多水患嗟。荒堞不知名，残碑屹古城。高陵前代墓，归垒昔时营。地有凄凉色，河流叱咤声。项王大破秦军虜王离于此。尚余淳朴俗，侠气带幽并。

## 二十二日

寅刻行。三十里沙河县。一望平沙渺渺，野水纵横，穷

苦之极。昔圣祖西巡经此，闵其荒瘠，谕令永免驿差焉。北有梅花亭、宋璟祠墓、颜平原书碑。渡沙河即潞水，源出辽州，入洛河。三十五里渡洛河，深过马腹，水夫八名舁轿而渡。一路小河皆如此，大则用船。按洛水亦出辽州太行山，东流入漳，唐太宗败刘黑闥二万兵入洛，即此。水至临洛关。早尖，永年县（永年县沈如渊）预备。有小城驻通判一员。汉易阳县治，唐置临洛县，冉伯牛故里，有祠。二十五里黄梁梦，有吕仙祠。偕九山前辈同游庙内八角亭，在池中央，颇幽胜。殿三层，前云房、中吕祖、后卢生，壁间题咏甚多。小憩水亭，始食西瓜。十里界河铺。十里宿邯郸县（邯郸县袁正林）。一路来多泥水，询之落雨十余日，今始晴云。县有藺相如、乐毅墓。北门外有学步桥，所谓邯郸步也。又有藁台，赵武灵王筑。

### 二十三日

自邯郸二十里台城铺。相传古赵王城，冈路崎岖。十里车骑关。五里杜村店。汉杜乔故里，出村一望，稻田万顷。夹道柳树之外渠中，藻荇蒹葭，菱荷菱芡，浓香活翠，扑人衣袂间，真可爱也。二十里至磁州（磁州卢兰馨）尖。磁州旧属彰德，雍正四年改归直隶广平府。以州有滏水，州民存畛城之见，闭闸筑坝，鬻水网利，怡亲王兴修水利因而奏改也。滏水出神麴山，流径邯郸入永年、曲周、鸡泽等县，溉田无数，至

今宛有江南风景。三十里渡漳河，入河南界。漳受太行山水，一雨即涨，数日前甚汹涌，此时水退，乱流渡。半里许宿丰乐镇，疑冢在焉。铜雀台址今在漳北岸，远望惟土阜而已。丰乐有西门豹祠墓。

## 二十四日 晴 晚雨甚

四十里漳德府(漳德府鄂桂)。安阳县(安阳县王德瑛)尖。古相河，亶甲所居。战国为魏邺地，后属赵。始皇十六年桓齮攻赵取邺，安阳是也。城外有韩魏公昼锦堂，至今后裔尚在。又有崔府君牌坊，不知何时人，俟考。城北五里安阳桥，过洹水，源出长子县，东流入卫。项羽与章邯盟此水上。七里冈古韩陵，旧有温子升碑，徐陵谓韩陵一片石，即此。廿里魏家营，操屯兵处。十五里愁思冈，曹子建尝登此悲吟。石晋末少帝为契丹所执，至此饮酒。入汤阴县界，古荡县，隋改汤，有汤水，因名焉。文王羑里城，又文王演易处，俱有牌坊。地名羑河铺。羑水出县西鹤山下，过尧君素祠。君素隋将，守城死，唐赠勅有云：“桀犬吠尧，有乖倒戈之志；疾风劲草，实表岁寒之心。”坊联以嵇侍中、岳忠武为比，颇切。北即河阳桥，唐开元二年史思明援安庆绪之师于邺，九节度师溃而南，郭子仪断河阳桥即此。旁有碑题古河阳寺。入城，汤阴岳王庙茶尖(汤阴县叶自庄)。奉祀生名开图，二十三世孙，送予墨刻碑迹，具言纯皇帝东巡泰山时经此而拜，



群臣或言君不拜臣，上曰，吾所拜者忠臣，尔等果忠，朕亦拜之。遂肃拜并赐诗，定岳氏子孙世代排行十六字，即今重、开等字是也。出南门，五里光村铺。石坊曰：晋侍中忠穆嵇公祠，即绍血溅帝衣，帝令勿洗者也。七里石碑冈，冈头扁鹊碑甚丰隆古质，其祠墓在冈东十余里。十三里宜沟驷宿，子贡故里。过冈即遇雨。今日所过石桥、山溪等处，皆西门豹所开万全渠，引漳河为蓄泄灌田，至今利益无穷矣。托鄂太守寄三号信，内有九山信。

## 二十五日 晴

夜雨通夕，雨潦载途不能行。住一日县令叶端齐，名自庄。寄一信为冉兴儿托言。

## 二十六日 晴

早行。十里黄家沟。十五里太程店。五里过淇水。石桥太卑，水过急，雨大则漫桥过，又不能行桂楫松舟，亦无竹，想汉武伐竹塞河之后，靡有孑遗矣。高家集茶尖。又有小城，题曰“古大赉”。卅里淇县尖。淇本洹邑，盘庚迁此为殷都，纣时号朝歌。城内有鹿台、巨桥、康叔祠、三仁祠。十里涉王莽河。十里顿坊店。《诗》：送子涉淇，至于顿邱。即此。二十里黄土冈，比干墓，有祠在西山麓，所谓左林右泉后冈前道者也。五里太公祠，后有墓。卫河自碯溪流经城北而东，太公汲人也，故葬

此。五里卫辉府(卫辉府耿省修、淇县署李煊),汲县(汲县陈廷扬亲来)。明潞王封国在此,今有潞王台遗址,甚高峻。土人云潞王筑以望亲者。本三层,今楼共二层,下即潞王府。又西有君子乡,即伯玉故里。府东北有故邺城。

## 二十七日 雨

出卫辉南门,见卫河有船运粮。河发源辉县苏门山,南流径县城,东北趋汲境东为淇门口,通漕至山东之临清州,由天津入海,俗呼运粮河。新乡县尖(新乡县胡之富)。冒雨行。新乡古鄘国。避雨山西会馆,寺僧含天求书扇。二十里宿获嘉县(获嘉县夏琳)之亢村驢,驢前有丰碑,大行书,仿佛夏言题,俟能拓之更妙。驿距县卅里。获嘉本修武地,春秋时宁邑,汉为汲郡中乡,武帝东巡,适南越破,获其相吕嘉首,因以名县。

## 二十八日 早微雨 渡河后晴 甚热

五十里章店尖。在黄河堤上,野店无预备,自令杀鸡供早餐。饭毕,循堤廿里渡黄河,溜甚急,曲折牵挽,始达南岸,幸无风。约行有十五里上岸,依广武山麓行石榴、枣林中,廿里住荥泽县关外之草墩堡。闻渡黄河者向从冈李渡,在广武山之东,今水大不可渡。又西为孟津渡,系赴秦路,亦有阻风至八九日者。今予渡黄甚顺,无风浪,河伯有灵,因悯万里之

人不可一日阻也。《禹贡》：沅入河溢为茱。楚汉时犹存旧迹，谓之鸿沟，自茱以西为汉，自茱以东为楚。王莽时旱涸，后遂为平地，今则细流矣。冈李驿河阴县地，乾隆甲申裁归茱泽（茱泽县蔡鸿翥），今两县地不过方径五十里。广武山当黄河南面如翠屏，山腹人家种果树为业，石榴极多，大者似榆柳，小者如草棘，满山遍陇，红青可爱，筠舆行林中，大是可观。广武南楚汉战争之地，即阮籍兴叹之处。

## 二十九日

行六里涉十里河。因候水夫停四刻，水深三尺许。九里岳家冈，过□水。通舟楫，运粮可抵湖北之樊城。舟皆两截连属，转处分之，或即茱泽水也。十里郭寨。五里兴隆店。十五里郑州（郑州署韩庆联亲来）尖。古祝融氏之墟，周封管叔于此，今有管城驿。《左传》：晋师救郑，楚子次于管以待之。今城东六里有邲城，即荀林父败处。战国韩灭郑尝徙都焉。饭后行涉甫水，源即鸿沟，一名渠水。十里□河塘。八里沙河塘。二十里迎经铺。有碑曰“裴晋公墓”，墓在古仆射坡。十五里住郭店。新郑县（新郑县汪杰，己丑）地。

## 三十日

晨行四十里，新郑县尖。县故有熊氏之墟，黄帝所都。

出城渡溱洧，有船。上岸数百步，过广惠桥，有碑题“子产乘輿济人处”。今桥下旱涸无水，今昔情形不同也。卅里过溟水，源出少室，东流入颍。二十里尚友堡，有吕蒙正墓。十里宿长葛县（长葛县署吴茂孙）之石固镇。自荥泽至石固，两日所行，皆高坡深谷，颇费陟降之力。今自新郑来，六十里如八十里，再过此当早行急行也。西望巩、洛诸山在指顾间，人云西北可见嵩山，或即在此山中欤。

### 闰六月朔

夜大雨，辰刻始息。已刻行泥泞中，廿里兴源铺，乘马。廿五里过颍谷，有大隧遗迹。五里渡颍水，至颍桥尖。属襄城县（襄城县署王锡朋亲来）。春秋时颖考叔为颍谷封人即此。有颍滨书院。申刻始行，十里延陵汛。十里林水铺。有碑曰“吴季札挂剑处”。十五里汉司隶校尉李膺墓。以后日落，輿夫告瘁，颇觉跋涉之苦。幸襄城署县尹王公名锡朋字耐菴，永平举人，郊迎道左，遣火把輿夫来接，始抵公馆。馆在城内，本预备南关店中，因午后汝水大发，涨八尺，昏夜不敢涉河赴店，遂移住城内。王令尹亲来慰劳，周旋竭情尽礼，贤令也。仆深感之。襄城隶许州，春秋郑汜邑，后属楚，为西不羹。灵王大城陈蔡不羹是也。《庄子》载：黄帝登具茨山访大隗，命驾于襄之野，七圣皆迷有七圣迷踪处，则襄之名已久，不因周襄王出郕居汜而后名也。到馆已亥刻矣。

## 初二日

晨行，出南门绕西门过渡。王令尹亲送至河干，至登岸乃回。汝水源出鲁山县，经汝、郟、裕、叶之境，至此始通舟楫。凡行千三百里，至安徽与颍俱入于淮。向有桥，因水大，遂漫溢。五里黄帝问道桥。十里望山铺。孔子自楚之宋处。襄城远望山势颇峻，客途行两山缺处，不觉登陟之疲，及过山口回望，觉峰峦峭崿，形势谨严，为豫荆之扃锁。山北地高，山南地卑，故曰望妙也。十五里辛店，辛毗故里。过遵化店，题曰“文王化行南国”，因以遵化为名。汝坟桥少憩小店中，即渡澠水。澠出鲁山县之尧山，东南流入县境，东与潁会而入汝也。本与汝水同出而复会，故又称汝潁。《尔雅》：汝出为潁是已。俗名沙河。又有碑曰曹江。即日楚人与晋师夹泚水而军，泚即澠也。光武破寻邑兵于昆阳，澠水盛溢，士卒溺死，澠水为之不流，即此水。过子路问津处。十五里叶县（署令李岑）尖。古飞鳧地，王乔墓尚存，自旧叶县治移此。卅里宿旧县，即沈诸梁故地。先渡澠河紫山醴水。

## 初三日

廿里魏冈塘。十里保安驿尖，属叶县。所过山溪无数。十里涉龙泉水，水从裕州西龙泉山来，可淬剑，故龙泉之剑为楚宝也。五里独树村。十五里扳倒井。光武庙茶尖。癸巳

年重修，中供光武，两壁画云台廿八将，旁有小园，竹树池亭，颇具幽致。中有玉照堂，前凿方池，引井水注之。紫荆盛开，凌霄花蟠柏树上，红艳夺目。坐片时，壁间有林少穆前辈题七古诗一首甚雄恣，行楷亦妙。道人号中孚（今道士为振声法师）。十五里招抚冈。光武建武二年堵阳人董訢反宛城，坚饘攻拔之，訢走还堵阳。明年帝自将至堵阳，訢降。此其屯兵纳降处，故冈以招抚名。十五里宿裕州（裕州署彭衍基）。今日所行皆山坡溪濑，石子难行，客雨中至此，甚于井陘也。裕州楚之方城，汉堵阳也，朱祐封邑黄山潘水。

#### 初四日

早行，十八里廓封镇。十八里渡赵河，赵河铺茶尖，裕州界，有公馆。赵河即堵水，或云召信臣所修召渠，宋唐州守赵尚宽修复之，溉田甚多，人因谓之赵渠。《水经注》：比水又南，赵醴二渠出焉，则此名久矣。三十里博望驿尖，南阳界，有公馆可住，张騫封邑。十五里夏向铺。十五里北新店。宿小店，南阳（南阳县萧其芬）地。今日酷热。

#### 初五日

十五里许家坊。十五里宛城驿早尖。距南阳城八里，遥望西北卧龙岗，相传武侯故居，然高卧隆中，在襄阳不在此也。行卅里三十里屯茶尖。过唐府重修通济桥，濒河行，河

docsriver 文川网  
入驻商家 古籍书城

在文川网搜索古籍书城 获取更多电子书

名白河，风帆络绎，直到湖南。南岸皆水势冲激堕入河内，壤腴田数百顷，至今岸上土酥裂，行人步履须慎，河故道成淤沙，不可种植。而可种之田，频年陷没，此时不加以堤坊木石之固，将来伊于胡底也。宿瓦店林水驿。南阳之驿食宿俱劣，舆夫尤不堪用，回时须另打算。白河即清水也，一名唐河。瓦店邓禹、刘志远故里。是日也，包马化为骡。

### 初六日

十里贵人乡。光武故里，门临白河，故曰白水真人。五十里新野县（新野县阮炳辉）尖。地属古谢邑申伯番，番既入于谢是也。因酷暑避正午炎曦，申刻始行。廿里渡白河，一名唐河，即清水也。又五里渡白河，五里宿南新店，仍新野地。自出京以来，惟昨日、今日酷热之极，住处四面无窗，圭窠竿门，热甚，通夕不能寐。

### 初七日

十里入湖北界。卅里吕堰驢尖。襄阳县（郟荆道杨以增差人、襄阳府阿尔琿阿差人、县尹署任秉钧）地。古鄢子国有偃城，云长围樊，遣兵屯偃城，徐晃自宛赴救，诡道欲绝其后，遂得偃城，即此。卅里叶家店茶尖。十里桐树塘。二里渡新河。十八里抵樊城，仲山甫封邑。所宿店名高升，即甲申秋自蜀来京在此聘二妹之处也。十年光景，历历在目，周览之



余，不觉触物伤怀，感慨系之。有天后宫大刹，余旧游之地。

### 初八日

因换车为杠担，留住一日，与襄阳县借轿杆。寄四号家信。

### 初九日

渡汉江而南，约三里许入府城小北门，出南门。城内有古昭明台。五里登岷山，即羊叔子登眺处，有羊杜祠。今有碑题“江山留胜迹”，又有隶书碑不暇读。紫盖山、万山、岷山谓之三岷，以此为首，故又称岷首。西为鹿门山，庞德公、孟浩然所以游隐也。稍西有白沙洲，酈注谓庞公与士元居其阴，司马德操居其阳，望衡对宇，欢情自接者矣。西即檀溪，溪之阳为徐元直、崔州平故居，习凿齿与谢安书云：纵目檀溪，念徐崔之交。是也。又西即万山，一名方山。《水经注》：沔水径隆中，历孔明旧宅北。又东径万山县，左有唐汉阳王张柬之故园。南有习家池。又有碣题：王叔和墓、范子野题。南门底关即昭关。廿里独树塘。廿里欧家塘。十里小河尖。卅里宿宜城县（宜城县署马尚德）。县古鄢子国，楚灭之，以为别都，名鄢郢。先主初封宜城亭侯即此。宋玉、王逸、马氏五常、段文昌父子皆邑人。宜城荒废，署公馆陋劣颓坏，时有压覆之惧。诸山名胜之区，古名士多遗迹，然皆土冈，无甚奇